

dem Regis obitu: sed modo de ejus in Urbem adventus occasione, turbatione- que Romanæ Ecclesiæ nobis agendum. erit.

Me-

PAGIUS

dio extra Urbem occurrentes: deinde veniens ingressus Urbem venit ad Senatum, & ad Palmam populo allocutus se omnia, Deo juvante, quod retro Principes Romani ordinaverunt, inviolabiliter servaturum promittit. Per Tricennalem (legendum, Decennalem) triumphans populo ingressus Palatium exhibens Romanis ludos Circensium. Donavitque populo Rom. & pauperibus annonas singulis annis centum viginti millia modios, & ad restaurationem Palatii, seu vel recuperationem manie Civitatis singulis annis libras decenas de arca vinaria dari precepit. Item Amalafrida germana sua in matrimonium tradens Regi Vandalorum Transmundo, &c. Deinde sexto mense revertens Ravennam alia germana sua Herminifrido Regi Toringorum: & sic sibi per circuitum placuit omnibus gentibus. Ita Auditor ille barbarus, sed accuratus. Valefius in Notis ad hæc verba, facta pace in Urbe Ecclesiastica, intelligit de pace cum Anastasio Imperat. fancita, postquam Theodoricus duos Legatos Constantinopolim misisset, de quibus ipsemet Theodoricus loquitur in sua Epistola Anastasio Imp. data, quam refert Cassiodorus lib. 1. Epist. I. & ex eo Baronius anno CDXCIII. quo eam scriptam existimat.

III.
Celebrat
Decennalia
et
triumphat.

Verum Anonymus iste loquitur de pace Ecclesiæ Romanæ; quod ex eo manifeste liquet, quod immediate antea scripserat: Accepit uxorem de Francis nomine Angolofedam (seu melius Audofledam, ut eam alii vocant. Nam uxorem habuit ante Regnum de qua susceperat filias, unam dedit nomine Averagni Alarico Regi Vvisigotorum in Gallia; & aliam filiam suam Theodegobiam Sigismundo filio Gundebai Regis. Facta pace cum Anastasio Imperatore per Festum de praesumptione Regni & omnia ornamenta Palatii, qua Odochar Constantinopolim miserat, remittit. Eodem tempore contentio orta est, ut supra. Quare Anonymus ille de duplici pace a Theodorico facta loquitur. Prior inter Theodoricum & Anastasium Imp. inita, & si Theophanes non fallitur, anno superiori. Is enim anno Incarnat. secundum Alex. CDXCII. Kalend. Septemb. superioris Christi inchoato, ait: Hoc anno Festus Senator Romanus ob publica quadam negotia Constantinopolim ad Anastasium Romanus missus, ideoque & recitata Cassiodori Epistola, eo anno data. Posterior pax inter Symmachum Papam & Laurentium Schismaticum hoc anno composita, ut statim ostendam. Recte tamen monet Valefius, loco per Tricennalem, legendum esse, per Decennalem: recteque hæc Decennalia Theodorici Regis ab anno CDXCIII. a secunda nempe Theodorici Regis Epochâ, deducit; at male addit, toto biennio, Decennalia si tunc celebravit, Theodoricum anticipasse, quod, inquit, non insolens fuisse, Eruditi sciunt. Theodoricus enim, quæ a postremis Cæsaribus in Italia regnantibus fieri mos erat, retinuit, eumque Decennalia exhibuisse ostendunt Iudi Circenses-Romæ ab eo editi ac ejus Triumphus cum iidem solemnibus de more congiungi solitus. At nec Theodoricus, nec umquam ullus Romanus Princeps, Decennalia similive Festa toto biennio anticipavit, aut toto biennio distulit, ut ostendi in Dissert. Hypatica. Quare Theodoricus Decennalia Regni sui anno CCCCXCIII. suscepti dedit, sed anno uno anticipata, qui ideo anno CDVCII. Quinquennalia ediderat.

Juvat hic Theodorici Regis Italiae Familiam, ad majorem Annalium Ecclesiasticorum claritatem, exponere. Fuit Theodoricus filius Theodemiris Gothorum Regis, & Ereliva Catholicae feminae, vel Ereliva, ut a Jornande vocatur lib. de Reb. Geth. & secundo matrimonio sibi Audofledam filiam Chloovei Francorum Regis copulavit, ut prodit Jornandes lib. de Reb. Geth. cap. 58, qui addit: Antequam de Audofleda sobolem haberet, naturales ex concubina, quas genuisset adhuc in Massa, filias habuit, unam nomine Thiudigobto, & aliam Ostrogobto, quas mox ut in Italiam venit, Regibus vicinis in conjugio copulavit, id est, unam Alarico Vefegothorum, & aliam Sigismundo Burgundionum: &c. Eutharico Amalafribus filiam suam in matrimonio jungit, & ut in plenum suam progeniem dilataret, Amalafribus germanam suam matrem Theodibati, qui postea Rex fuit, Africa Regi Vandalorumque conjugem dirigit Transmundo; filiamque ejus neptem suam Amalabergam Thuringorum Regi conjociat Hermensfido. Procopius lib. de Bell. Goth. cap. 11. Jornandi suffragatur, atque, post Odoacri necem Theodoricum Regi Vifigotorum Alarico Juniori Theudicibus virginem filiam suam, & Hermensfido Thoringorum Regi Amelobergam, Amalfrida sororis suae filiam, Quare laudatus mox Anonymus sic suppleendus: Alia germana sua Herminifrido Regi Toringorum filiam suam Amelobergam conjugem dedit; locus enim ille mancus est, & Hermensfido neptem Theodorici conjugem habuisse, ipsemet Theodoricus apud Cassiodorum lib. 4. Epist. 1. testatur.

In Theodorici Decennialibus Editi titulo ex leges promulgatae, quæ editæ habentur in Codice legum antiquarum, & cum Cassiodori Epistolis: alia enim sunt leges Theodoricianae Vifigothorum, de quibus suo loco egimus) a legibus quas pro Ostrogothis Theodoricus Italiae Rex composuit. Audiendum hæc de re Auditor Chronici Alexandrini sub Consulatu Symmachi anno CDLXXXV. gestis, ubi ait: Hoc anno ad Theodoricum, qui Roma regnabat, accessit femina Senatorii generis Romana, Juvenilia nomine, Regemque hisce verbis est allocuta: Tertium jam annum cum Formo Patricio controversiam habeo, fac, ut expediar, Rex accessit utriusque partis Judicibus: Nisi, inquit, intra constitutum diem sententiam tuleritis & litigantes dimiseritis, plectam vos capite. Ii vero biduo invicem congressi, sententia ex legibus data, utrumque dimiserunt. Tum Juvenalia accensis cereis Regem convenit, ut gratias ageret, quod a lite esset absoluta. At rex indignatus accessit Judicibus. Quare, inquit, quod uno biduo confectis protraxistis in triennium? Et extemplo utriusque partis Judices securi percussit, ex quo ingens in alios exortus est terror. Rex postmodum (hoc scilicet anno Decennialibus suis dicato) Decreto de singulis legibus edito, Urbe digressus, Ravennam maritimam civitatem concessit, ubi usque ad vita exitum habitavit, & ipsemet dicitur: Εν περι τῆς αἰῶνος οὐκ ἔβη, &c. Procopius quidem lib. 2. de Bell. Goth. cap. VI. scribit, Theodoricum nullas leges edidisse; sed Athalaricus Italiae Rex apud Cassiodorum lib. 9. Epist. XIV. contrarium diserte asserit, proditque: Editæ gloriose Domini avi nostri, vel universa præcepta, quæ ad Siciliam pro commonendis (legendum componendis) universorum moribus destinavit.

IV.
Familia
Theodorici
Italiae Re-
gis.V.
Edita
Theodorici
Regis.